



Iniconmiquanique in Chapoltepec in Mexica.




In Chapoltepec inic quinpeuhque Mexica conauhcampa huicalloque Tepaneca colhuaque inquinamicque.

In ocan in Chapoltepec cempohual xiuhquetlaco xiuhquia, in omniquanique in Acocolco, oncan yaoyahualoque in Mexica, oncan temaetlanque ipan motlalli in molpi xihuitl. Auh ca oncan quimoquentique in Amoxtli oncan quinhuicaque in Huitzillihuitl, nehuan ini ichpoch itoca Azcalxoch. Auh inihueltiuh itoca Tozpanxoch huicalloc Ixtlahuacan za yehuantin in quinhuicaque in Colhuacan, zapepetlauhtiaque axtle intech huetztia. Auh in oncan tlatohuani in Colhuacan itoca Coxcoxtili in Huitzillihuitl ini ichpoch cenca quitlaocolti inatlemaitla itech huetztia quilhui in tlatohuani. Maitlatzin xictlaocolli in ochpotzin tlatohuanic. Auh niman quilhui. CAMONICIA ZAN YUH YAZ. MAITLATZIN XICTLAOCOLLI IN OCHPOTZIN

TLATOHUANIE Auh NIMAN QUITO CAMONICIA ZANYUH YAZ.




3 tecpatl xihuitl iconmiquanique in Colhuacan in Mexica, ipan in Contitlan motecaque in oncan Tizaapan Colhuacan.



6 acatl xihuitl, ipan nauhxiuhtique in Contitlan onoca in Mexica in Colhuacan mazoihui in Contitlan onoca ca oncan mopilhuatitoca in Contitlan inipan acatli in moyaochiuhque in Colhuaque momamicque in Xochimilca iniquae ye quimohuitillia in Colhuaque, niman ye quitohua in tlatohuani in Coxcoxtili. In

Mexica cuixayocaque mahualhuan Niman ye quintatzilia niman ixpan onyaque in tlatohuani niman quimilhui. Tlaxihual huian in axcan techpehuazque in Xochimilca namechtequiuhua cen xiquipilli in anquimacizque in amomalhuan yezque. Niman qutoque in Mexica, ca yequalli tlatohuanie moxitech motlaocollichimal zoltzintli, ihuan maquauholtzintli.





Niman quto in tlatohuani, camoticia zanyuh anyazque, auh in Mexica niman ye monahuatia quitotoque Tlein tiqit quizque: niman qutoque Mazozanti ite inic tiqinyatequizque in tomalhuan intla in nacaz tiqin tequilizque haquitozque hazonenecoc inoquin tequilique inin macamo yehuatl mayehuatl inin yac maictito xixiquipil quentizque inic tiqin pohuazque ha zan quemmach yez. Niman omoxiquipil quentique niman yeichui mihecalizque cequintin Acaltica in mihecalque oncan yaotecoque in Coahuapan ipan mochiuh in Colhuacan tlacateuhetli itoca Tetzitzilin in onaeticac tlahuiztli amatlazohualhuipilli quimilhuia Mexicaye xinehnemican in yetlamallo, zan ye hetlamauh caitlachocaticac in quitohua Xinehnemican Mexicaye, niman acito inincaltenco in Xochimilca, niman ichualtaque in Mexica, niman ye tlapohuallo inin malhuan ixpan in tlatohuani in Coxcoxtli, niman ye quitohua in Mexica Tlatohuanie caye ixquiehti in tomalhuan canauh xiquipilli inotiquimacique. Auh niman quin hualnotz inita-

huan: niman ye quimilhuiya, camotlaca in Mexica queno quinchihque iniconi-
quintequiti cazaniconi quinquelloca. Cenca quin motetzahuique in Mexica. Auh
in nahuantin zanoc hualyoltiaque inin malhuan.




Amoquitlitique in tlatohuani in Coxcoxtli niman ic quitlallique inin tlalmoz in ompa Tizxapan inoquitlallique niman quilhuito in tlatohuani. In axcan tlatohuani in totlalmomozmaitlatzin xitechmoyollotililican, niman quto in tlatohuani ca ye qualli oantlacnellique maquiyollotiti in tlamacazque Niman quin nahuatique in tlamacazque quimilhuiq. In axcan maxiquinyollotiliti cuitlatl, ihuan tzontli. Auh no yehuatl in poxaquatl, niman quiyollolito zan yohualtica. Auh niman qutoque in Mexica. Mazatiquitta can tle inotechyollotilique in totlalmomoz. Auh niman quittaque iniyollo. Auh inoquittaque ca cenca motlaocoltique in quittaque in cuitlatl oquinyollotillique inintlalmomozniman quixitiniq in yehuantin Mexico in quiyollotique huitztl, ihuan acxoyatl. Auh inoyecauh niman quicohuanotzato in tlatohuani. Auh inohualla niman ye quimitta in quimictia inin malhuan inquimitta inipan tlamictia, zan moch yehuatl in quetzalapanecayotl, ihuan xiuhchimalliquetzalpanitl inipan tlamictia yece camonelli ca zanyuhquimitta. Ihuan iepac quitlazque in tlequahuatl ic quixiptlayotique inin xiuhmolpi in Chapoltepec in ayamoquitlazque inin tlequauh, iniquac yaoyahualloque inyuhqui ic mochiuh zanic qualanque in yehuatl in Coxcoxtli quto. Aquiquein camotlaca xiquin totocacan. Niman ic quinhualtotocaque hualmiquanque in Acatzintitlan in Mexicatzinco acatlacuextica in hualpanoque tolmatlapan hualyebetiaque qui mintihuitze.





Chicome tecpatl xihuitl, ipan ce xiuhtique in Mexicatzinco in Mexica.



8 calli xihuitl, ie onmiquanique in Nextiepac in Mexica.

11 tecpatl xihuitl ipan nauhxiuhtique in Mexica in oncan Nextiepac.

